



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. III. Solvuntur objectiones

[urn:nbn:de:hbz:466:1-78232](#)

DE ELECTIONE.

187

cognitum ut tale, fugiat & repudiet: Ergo & quod eligat minus bonum, reliquo meliori. Major patet: electio enim, si propriè sumatur, est acceptio unius p̄ alio, id est acceptatio unius, repudiando alterum. Minor vero suadetur: Objectum nolitionis & fuge, est malum ut tale, sicut objectum prosecutionis est bonum: Sed medium magis bonum & utile, nec in se, nec in ordine ad minus utili, potest habere rationem mali: Ergo non potest voluntate rejici.

Dico secundò: Si duo media omnino æqualia proponuntur, neutrum potest eligi, donec intellectus in uno aliquam rationem seu convenientiam excogetet, ob quam prævenient & preponderet alteri. Ita colligitur ex D. Thomae artic. 6, ad 3, ubi totam rationem eligendi unum p̄ alio, reducit ad diversam considerationem, quā potest aliquid magis eminere, & fluctu voluntatem. Idem videntur docuisse plures ex antiquis Philosophis: nam ex Platone refert D. Thomas loco citato in argumento 3, & ex Anaximandro Aristoteles 2, de cœlo textu 75, & 90, quod si famelico poneretur duplex cibus æquales, & inæquali distantiæ, non magis moveretur ad unum, quam ad alium. Similiter dicunt capillum ex omni parte æqualiter distinatum, non posse ulli vi rumpi, quia non est major ratio ob quam ex una parte potius quam ex alia rumpatur, per omnem autem partem simul rumpi non potest. Ex quo inferebant, eadem ratione non moveri terram in medio positam, quia non est major ratio, quare moveatur ad unam positionem quam ad aliam partem. Denique si daretur corpus æquilater grave & leve, non ascenderet neque descendenter: quia non est major ratio cur potius sursum quam deorsum ferretur, vel econtra. Sed quicquid sit de his exemplis, de quibus disputant Philosophi;

¶ Probatur conclusio ratione fundamentali: Quamdiu potentia indifferens non determinatur ad unam partem, nulla sequitur operatio: Sed dum voluntati proponuntur duo media omnino æqualia, nihil est per quod voluntas determinetur ad eligendum unum potius quam aliud: Ergo neutrum tunc potest à voluntate eligi. Major sufficienter demonstrata fuit supra disp. 6. art. 1. §. 8. agendo de necessitate prædeterminationis in ordite ad causas liberas. Minor vero suadetur: nam in eo casu voluntas non determinatur ab ipso objecto: cum enim supponamus illa bona esse omnino æqualia, non est potior ratio quare unum potius quam aliud eam determinet: non determinatur etiam ab intellectu, quia intellectus alter non determinat voluntatem, quam propoundinge objectum: neque etiam determinatur à seipso, ratione libertatis quā potest: Tum quia cum voluntas sit appetitus rationalis, sequens dictum rationis, & cognitionem intellectus, dumquam potest se determinare ad id quod ut omnino æquale & indifferens ipsi ab intellectu proponitur: Tum etiam quia ut docet S. Thomas 1. p. quæst. 19. art. 3. ad 5. & 3. contra gent. cap. 2. & 1. physic. lect. 8, cuius verba loco supra citato reculimus, à causa contingente & se habente ad utrumlibet non exit actio determinata, nisi prius determinetur ab alio: Ergo dum voluntati proponuntur duo media omnino æqualia, nihil est per quod voluntas determinetur ad eligendum unum potius quam aliud.

¶ Respondent Adversarij ex Soncinnate lib. 9. metaph. quæst. 14. quod potentia contingenter se

Ton. III.

A habentes ad plura, sunt in duplice differentia: quædam sunt potentia imperfecta, & purè passiva, qualis est materia prima in ordine ad diversas formas, & superficies corporis in ordine ad albedinem & nigredinem; & talis potentia non potest ad alteram partem se determinare; sed oportet quod determinetur ab alio: alia sunt potentia perfecta, quæ ex se habent aliquid activitatis, quia non sunt potentia purè passiva, sed etiam activa; & huiusmodi potentia possunt seipso determinare ad aliam partem; quia licet formaliter sint in potentia, sunt tamen virtualiter in actu, & talis est voluntas.

B Sed haec solutio stare non potest: Primò, quia D. Thomas locis citatis expresse loquitur voluntate creata.

Secundò, quia Commentator 2. physic. textu 48. sic ait: *Ab eo quod est ad utrumlibet non sequitur aliqua actio, nisi ab aliquo alio inclinetur ad unum.* Et D. Thomas 3. contra gent. cap. 2. *Quod indifferenter se habet ad multa, non magis unum eorum operatur, quam aliud: unde à contingentia ad utrumque non sequitur aliquis effectus, nisi per aliquid quod determinetur ad unum.* Sed quod est indifferens solum passiva, ut materia prima, non operatur, nec ab eo exit aliqua actio aut effectus, ut patet: Ergo dictum illud Commentatoris & D. Thomæ de indifferenti solum passiva glossari nequit.

C Tertiò, Licet voluntas non si potentia mere passiva, sed etiam activa, non est tamen prima causa sua determinationis: Ergo prima radix, quare vult hoc medium potius quam illud, non est quia vult, sed oportet assignare aliquid extra ipsam à quo moveatur in tali electione, quod in ordine cause primæ & universalis est Deus, in ordine vero causarum secundarum & particularium, major bonitas unius respectu alterius ab intellectu proposita.

D Quartò, Volum s utrumque habet, & quod sit potentia activa, quatenus producit & eligit proprium actum, & passiva, quatenus moveatur ab ipso objecto: Ergo prius natura quam ipsa activè producat suum liberum consensum, oportet quod moveatur ab objecto ad hunc actum potius quam ad illum, seu ad eligendum hoc potius quam illud. Probatur consequentia: nam in potentius, in quibus reperitur ratio activi & passivi, præcedit ordine natura ratio passivi rationem activi, ut patet in potentia visiva, quæ prius natura patitur recipiendo species visibiles, quam agat producendo activę visionem.

§. III.

Solvuntur objectiones

E F R A C I P V M fundamentum adversæ sententiae sumitur ex libertate voluntatis, quæ non videtur posse stare, nisi ex duobus bonis æqualibus aut inæqualibus, sibi ab intellectu propositis, possit quocumque voluerit eligere, alio relicto, & in quilibet partem pro libito seipso determinare. Unde sic potest argumentum confici: Duobus mediis æqualibus aut inæqualibus voluntati propositis, illa reuinat libera quoad exercitium & specificationem: Ergo potest eligere quocumque maluerit. Consequuntur patet: libertas enim consistit in vi electioni, seu in potentia ad eligendum hoc vel il-

Aa ij

lud, prout voluntati placuerit. Antecedens etiam manifestum est, quia media illa sunt bona particula^ra & l*imitata*: voluntas autem non potest necessari*is* à bono in communi, vel ab ipso Deoclarè viso, quippe in quo nulla potest ratio mali seu disconvenientis apparet.

36 Facile tamen respondet, concessu Antecedente, distingendo Consequens: potest eligere quodcumque voluerit, manente judicio prácticu^m equalitatis aut minoritatis medijs, nego: mutato tali judicio, concedo. Solutio patet ex suprà dicitis; licet enim voluntas sit libera, quia tamen est potentia cæca, & appetitus rationalis, sequens ductum rationis, & tota ejus libertas à judicio rationis tanquam à proxima radice procedit, non potest operari sine prævio judicio rationis, ipsam movente ingener causam finalis, & formalis extrinsecā: unde sicut voluntas ex sua libertate non habet quod possit ferri in incognitum, sed potius hoc ejus natura & inclinationi repugnat; ita nec quod possit eligere id quod intellectus per judicium prácticum repræsentat ut minus bonum, & per consequens ut respondendum.

37 Dices: Omnis suppositio antecedens, quæ non descendit à potestate seu libertate voluntatis, libertatem destruit; Sed judicium illud prácticum intellectus, dictans voluntati medium utilius, & convenientius esse eligendum, est aliqua suppositio antecederis electionem voluntatis, quæ ex ipsis libertate non oritur: Ergo descendunt libertatem.

38 Respondeo data & non concessa Majori, de qua fuse diximus in tractatu de prædestinatione, negando Minorem: sicut enim intentio finis dependet à voluntate, ita & judicium prácticum de convenientiori medio eligendo descendit ex libertate voluntatis, quæ liberè voluit applicare intellectum ad consultandum de medijs: unde talis suppositio judicij práctici potest cessare, vel quia voluntas potest desistere ab intentione finis, vel etiam quia illa adhuc supposita, potest applicare intellectum ad inquirenda alia media, vel ad excogitandas alias rationes bonitatis & convenientie in medijs que minus bona appearant, quibus moveatur ad ea eligenda. Quare adhuc facta suppositione illa judicij práctici de medio convenientiori, voluntas potest in sensu diviso & potentia antecedenti, alia media eligere; licet non possit simul stare judicium de convenientiori medio eligendo, cum electione minus boni; alioquin voluntas non esset appetitus rationalis, qui non sequeretur ductum rationis & dictamen prácticu^m intellectus:

39 Objicies secundò: Voluntas potest ferri per electionem in illud omne quod habet rationem boni utilis: Sed in medio æquali, aut etiam minus bono, ratio boni utilis reperitur: Ergo voluntas potest illud eligere.

40 Confirmatur: Si illud medium, quod est æquè vel minus utile, seorsum proponeretur voluntati sine alio medio æquè vel magis utili, voluntas posset illud eligere: Ergo etiam poterit eligi, quando proponitur simul cum alio æquale vel utiliori medio. Probatur Consequentia: quia per hoc quod conjugatur seu conferatur cum alio æquale, vel utiliori, non amittit suam bonitatem, seu utilitatem quam habet ad finem, ratione cuius est eligibile.

41 Ad objectionem respondeo primò, voluntas

A tem posse ferri per electionem impropriè sumptam, prout dicit amorem unius rei in ordine ad aliam, in illud omne quod habet rationem boni utilis; per electionem tamen strictè sumptam, prout dicit acceptionem unius præ alio ad finem obtinendum, de quo solum agimus in prælenti, solum posse tendere in medium, quod per judicium prácticum intellectus, melius & convenientius judicatur, iuxta illud Aristotelis 3. Ethic. cap. 3. *Quod ceteris ex consultatione pertulimus, id eligibile est.* Unde ibidem cap. 2. affert *qua eligimus que magis scimus esse bona.* Item Nisenus lib. 1. Philosophia cap. 4. & Damascenus lib. 2. fidei cap. 22. docent quod electio sequitur judicium quod unum praefatur aleti. Ex quo intelliges, quod electionem unicuius modij non pertinere propriè ad electionem, sed ad consensum, nam ut infra dicimus, consensus & electio non distinguntur per hoc quod ille sit simplex, hæc verò efficax complacientia medijs, sed quia ut docet D. Thomas inf. à qnaest. 15. art. 1. ad. *Electio addit supra consensum quandem relationem respectu ejus cui aliquid præeligitur:* unde cum in votione unicuius modij non sit talis relatio, ejusmodi volitio non erit propriè electio, sed consensus.

Respondeo secundò, data Majori, distinguendo Minorem: in medio æquali aut minus bono ratio boni utilis reperitur, si considerentur secundum se, seu seorsim, concedo: si comparentur ad aliud æquè vel magis bonum, nego: nam medium minus bonum, respectu melioris, induit rationem mali, ut suprà ostendimus: æquale verò respectu æqualis se habet ut indifferens, quia non habet suprà illud rationem quā ei anteponatur. Per quod patet ad confirmationem.

Tertiò contra secundam conclusionem proponeo solet hoc vulgare argumentum: Si homini proponuntur duo bona omni ex parte æqualia, v.g. famelico duo panes vel cibi omnia æquales in quantitate, qualitate, & ceteris conditionibus, vel eligit alterum, aut utrumque, aut neutrum? Si primum, habet intentum, tunc enim non ab aliqua majori bonitate proposita determinabitur voluntas, quia, ut supponimus, non datur, sed præcisè à se: secundum verò non potest stare, quia supponimus quod illi famelico non permittatur utrumque panem tollere, sed alterum tantum tertium denique non videtur probabile: ridiculum enim videtur quod famelicus ille ad instar Tantali malit in sua fame perire, quam cibum paterat attingere, seu eligere: Ergo &c.

Respondeo quod tunc famelicus ille ex subito quodam motu & naturali impetu, absque deliberatione & rigorosa electione, assumit unum ex illis panibus. Quod si vellit perfectè deliberare, & de melioritate cibi consilere, voluntas applicabit intellectum ad investigandum in uno ex illis medijs aliquam rationem boni & convenientis seu commodi, quā emineat supra aliud, ut docet D. Thomas hic artic. 6. ad. Si autem post istam inquisitionem in neutrō inventiat novam aliquam bonitatem, voluntas determinabitur vel à motibus extrinsecis, sicut sunt circumstantiae aut aliae conditiones occurrentes, vel experientia propriæ libertatis, quam poterit velle circa unum potius quam circa alterum exercere; & tunc ipsa libertas voluntatis non lebanebit solum ex parte principij eliciti electionis, sed etiam ex parte objecti, & habebit rationem motivi alicientis, & inclinantis ad eligendum

DE ELECTIONE:

189

id quod ex sua intrinsicā bonitate & in-
differens est; Et in hoc magna latet & equivocatio
& hallucinatio apud Adversarios: cū enim vo-
luntas eligat illud objectum, quia vult, & ly quia
possit dicere & causam efficientem, seu elicientem
& causam objectivam, seu allicientem; existi-
mant non requiri, quod libertas voluntatis se ha-
beat ratio motiva & alliciens, sed sufficere
quod se habeat ut effectiva & celiens sine novo
motivo. Nos vero dicimus utrumque desiderati,
& non sufficere ut libertas voluntatis effectiva,
seu celiens ad talem electionem concurrat, sed
insuper requiri, quod objectivē seu motivē in e-
am influat: quia homo non inveniens in minori
aut bono quod moveat sufficienter ex me-
nis objecti, apprehendit & proponit voluntati
pro motivo eligendi suam libertatem, seu placi-
tum gratuitum, quod applicat huic objecto, & ex
tali applicatione facit quod præmincat, & magis
ponderet, magisque voluntatem alliciat & incli-
net, quam aliud magis vel aquè bonum: unde
licet tunc eligat id quod minus est bonum ex par-
te rei electa in se, semper tamen eligat id quod est
majus & convenientius ex parte motivi.

⁴⁵ Obiectio quartò: Voluntas non est minus li-
bera in electione mediiorum, quam in finis in-
tentione: Sed potest intendere finem minus bo-
num relatio meliori, & præferre matrimonium
v.g. celibatui aut religioni, quam est multò perfectior:
unde S. Thomas qu. 23. de verit. art. 8. dicit
quod Non est per veritas electionis, si bono in ap-
petendo preferat minus bonum majori bono; non es-
tim tenetur bono prosequi meliora semper in ope-
rando: Ergo etiam potest eligere minus bonum,
relatio meliori.

Respondeo concessa Majori, negando Minor-
em: eadem enim estratio de intentione finis,
ac de electione mediiorum; unde licet ex duobus
finibus possit quis velle illum, qui secundum se
& materialiter deterior est, semper tamen vult
illum, qui ex parte motivi seu dictaminis judica-
tur melior; aut convenientior subiecto illum in-
tendent. Ad D. Thomam dicendum est, illum
in eo loco solum docere quod non tenentur ho-
mines semper eligere meliora, v.g. statum religio-
nis, sed recte postulat eligere minus bona, puta
statum conjugalem: verum licet qui elegit tunc
statum conjugalem, relinquat quod melius est in se
& quod melius judicatur iudicio speculativō, sci-
licet religionem; elegit tamen quod iudicio pra-
dicto iudicat hic & nunc sibi esse magis conve-
niens, scilicet uxorem ducere.

Obiectio ultimò: Deus de facto elegit minus
bonum, reliquo meliori: Ergo à fortiori id po-
test voluntas humana. Consequentia patet: tum
qua nostra voluntas est quādam participatio vo-
luntatis divina: tum etiam quia voluntas Dei
magis inclinata est ad bonum, quam voluntas
hominis. Antecedens vero probatur: Deus ele-
git illum mundum condere; potius quam alium,
& tamen potuit alios mundos in infinitum istò
preflantiores creare, ut docet D. Thomas I.p.
qu. 23. art. 6. Item Christus potuit perfectiora
Sacramenta instituere, perfectiores Apostolos
eligi, & sic de ceteris: Ergo Deus potest elige-
re, & de facto elegit minus bonum & perfectum,
reliquo meliori & perfectiori.

Respondeo primò, concessa Antecedenti,
negando Consequentiam & paritatem: quia ut
docet D. Thomas I.p. qu. 20. art. 2. hæc est dif-

A ferentia inter voluntatem Dei & nostram, quod
voluntas divina non supponit, sed ponit bonita-
tem in rebus quas diligit & elegit; unde non ideo
illas eligit, quia sunt magis bona; sed potius ex di-
lectione & electione Dei, majorem vel minorem
prout vult bonitatem participant.

Addo quod, cū Deus in operibus ad extra-
intendat manifestationem suę glorię, quae magis
reluet in hoc quod per media magis impro-
portionata attingat finem quem intendit, non
mirum quod interdum eligat creature minus no-
biles & perfectas, & media quae ex se videntur
minus apta ad finem obtinendum: sicut quando
per homines pauperes, indocētos, & inermes, fidei
subiecti Reges, Oratores, & Philosophos, ac
mundum universum. Unde Apostolos I.ad Cor. 1.
*Quae stulta sunt mundi elegit Deus, ut confundat
sapientia, & infirma mundi elegit Deus, ut confun-
dat fortia, &c.*

Secundò responderi potest, quod licet Deus 49
non semper eligat aut faciat quod melius & con-
venientius est ex parte rei electa, seu ex parte
intrinsicā bonitatis rei in se, bene tamen quod est
melius ex parte motivi eligendi: quod motivum
est sua libertas, seu placitum gratuitum suę volun-
tatis, quod applicat objecto cui vult, & ex tali ap-
plicatione facit quod res in se minus bona, & per-
fecta entitativē, præmincat & in ordine eligibili
præpondet meliori & perfectiori, ut antea ex-
posuimus.

ARTICVLVS IV.

*An supposita efficaci & absoluta intentione finis, se
unum tantum occurrit medium ad illum obti-
nendum, voluntas ad ejus electionem neces-
sitetur.*

PArtem negativam tenent Nominales, ut refert
Suarez hic disp. 8 sect. 4. affirmativa tamen 50
communis est apud Doctores tam domesticos,
quam extraneos. Cum quibus.

Dico: Stante volitione efficaci finis necessariò
D sequitur elec̄tio medii, quod intellectus judicat es-
se unicum ad obtainendum finem. Ita colli-
gitur ex D. Thoma hic artic. 6. ubi querit an
homo eligat ex necessitate, & contra partem
negativam, in cuius favorem absolute concludit,
objicit primò, sic se habere finem ad elec-
tionem, sicut principia ad conclusiones: ex
principiis autem conclusionem necessariò move-
ri ad electionem: cui argumento respondet
quod non semper ex principiis ex necessitate proce-
dit conclusio, sed tunc solum quando principia non
possunt esse vera non sit; & similiter non oportere
quod semper ex fine insit homini necessitas ad eli-
gendum ea que sunt ad finem, quia non omne quod
est ad finem tale est, quod sine eo finis haberri non
possit, aut si tale sit, non semper sub tali ratione con-
sideratur. Quibus verbis insinuat Doctor
Sanctus, quod si illud quod est ad finem sit tale, ut
fine eo finis haberri non possit, debet necessariò
eligi, supposita efficaci intentione finis. Unde
I.p. qu. 19. art. 3. sic ait: *Ea que sunt ad finem non
necessariò volumus, volentes finem, nisi sint talia
sine quibus finis esse non potest: sicut volumus ci-
bum, volentes conservationem vite, & navem, &
volentes transire.*

Aa iiij